




全蜀藝文志

和16
2033
13



和16
2033
19



全蜀藝文志卷二十七目

江陵宋中丞張忠定

上虞帝表

昭烈帝

魏昭烈帝表

孟建

魏昭烈帝表

魏昭烈帝

乞伐魏表

魏昭烈帝

魏昭烈帝表

魏昭烈帝

乞伐魏表

魏昭烈帝

魏昭烈帝表

魏昭烈帝

乞伐魏表

魏昭烈帝

魏昭烈帝表

魏昭烈帝

乞伐魏表

魏昭烈帝

魏昭烈帝表

魏昭烈帝

乞伐魏表

魏昭烈帝

魏昭烈帝表

魏昭烈帝

乞伐魏表

魏昭烈帝

全蜀稅文志卷二十七目

江陵朱雲煥退唐

上漢帝表

漢昭烈帝

辭昭烈帝表

孟達

臨發漢中上漢帝疏

諸葛亮

乞伐魏疏

諸葛亮

竝諸葛亮廟表

督隆

上龔魏疏

蔣琬

諫後帝疏

譙周

進諸葛氏集表

陳壽

夔州謝上表

唐杜甫

夔州論利害第一表

劉禹錫

夔州論利害第二表

劉禹錫

謝政刑箴表

韋準

賀收成都府表

呂温

請築羅城表

高駘

全蜀稅文志

卷二十七

目

讀月草堂

又

高駢

為王建草斬陳敬瑄田合孜表

馮涓

上王建疏

前偽蜀馮涓

涓

上災異疏

李道安

賀江神移堰牋

杜光庭

降表

前偽蜀後主

王衍

諫用兵疏

田淳

降表

後偽蜀後主

孟昶

去破施州譚汝翼狀

林栗

乞褒贈江公望張庭堅

等疏呂好問



全蜀稭文志卷二十七

楊升菴先生原本

江陵朱雲煥遺唐

表 疏 狀 牋

上漢帝表

漢昭烈帝

臣以其臣之才荷上將之任董督三軍奉辭于外不能掃除寇難靖匡王室久使陛下聖教陵遲六合之內否而未泰惟憂反側疾如疾首曩者董卓造為亂階自是之後羣兇縱橫殘剝海內賴陛下聖德威宣人臣同應或忠義奮討或上天降罰暴逆竝殪以漸冰消惟獨曹操久未梟除侵擅國權恣心極亂臣昔

全蜀稭文志

卷二十七

表

讀月草堂

與車騎將軍董承圖謀討操機事不密承見陷害臣攝越失據忠義不果遂得使操窮凶極逆主后戮殺皇子鳩害雖糾合同盟念在奮力懦弱不武歷年未効常恐殞沒孤負國恩寤寐永歎夕惕厲若今臣羣寮以爲在昔虞書惇敘九族庶明勵翼五帝損益此道不廢周監二代竝建諸姬實賴晉鄭夾輔之福高祖龍興尊王子弟大啟九國卒斬諸呂以安大宗今操惡直醜正實繁有徒包藏禍心篡盜已顯既宗室微弱帝族無位斟酌古式依假權宜上臣大司馬漢中王臣伏自三省受國厚恩荷任一方陳力未效所獲已過不宜復忝高位以重罪謗羣僚見

肆百壹拾

逼迫臣以義臣退惟寇賊不臬國難未已宗廟傾危社稷將墜誠臣憂責碎首之時若應權通變以寧靖聖朝雖赴水火所不得辭敢慮常宜以防後悔輒順衆議拜受印璽以崇國威仰惟爵號位高寵厚俯思報効憂深責重驚怖累息如臨于谷盡力輸誠獎勵六師率齊羣義應天順時撲討凶逆以寧社稷以報萬分謹拜章因驛上還所假左將軍宜城亭侯印綬

辭昭烈帝表

孟達

伏惟殿下將建伊呂之業追桓文之功大事草創假勢異楚是以有爲之士深觀歸趣臣委質以來愆戾山積臣猶自知況於

君乎今王朝已興英俊鱗集臣內無輔佐之器外無將領之才
 列次臣功誠自愧也臣聞范蠡識微浮泛於五湖舅犯謝罪遂
 巡於河上夫際會之間請命乞身何則欲潔去就之分也況臣
 卑鄙無元功巨勳自繫於時竊慕前賢早思遠恥昔申生至孝
 見疑於親子胥至忠見誅於君蒙恬括境而被大刑樂毅破齊
 而遭讒佞臣每讀其書未嘗不慷慨流涕而親當其事益以傷
 絕何者荆州覆敗大臣失節百無一還惟臣尋事自致房陵上
 庸而復乞身自放於外伏想殿下聖恩感悟臣之心悼臣之
 舉臣誠小人不能始終知而為之敢謂非罪臣每聞交絕無惡

聲去臣無怨辭臣達奉教於君子願君王勉之也

臨發漢中上後帝疏

諸葛亮

先帝創業未半而中道崩殂今天下三分益州疲敝此誠危急
 存亡之秋也然侍衛之臣不解於內忠志之士忘身於外者蓋
 追先帝之殊遇欲報之於陛下也誠宜開張聖聽以光先帝遺
 德恢宏志士之氣不宜妄自菲薄引喻失義以塞忠諫之路也
 宮中府中俱為一體陟罰臧否不宜異同若有作奸犯科及為
 忠善者宜付有司論其刑賞以昭陛下平明之理不宜偏私使
 內外異法也侍中侍郎郭攸之費禕董允等此皆良實志慮忠

純是以先帝簡拔以遺陛下愚以為宮中之事事無大小悉以咨之然後施行必能裨補闕漏有所廣益將軍向寵性行淑均曉暢軍事試用於昔日先帝稱之曰能是以眾議舉寵為督愚以為營中之事悉以咨之必能使行陣和睦優劣得所親賢臣遠小人此先漢所以興隆也親小人遠賢臣此後漢所以傾頽也先帝在時每與臣論此事未嘗不歎息痛恨於桓靈也侍中尚書長史參軍此悉忠良死節之臣願陛下親之信之則漢室之隆可計日而待也臣本布衣躬耕於南陽苟全性命於亂世不求聞達於諸侯先帝不以臣卑鄙猥自枉屈三顧臣於草廬

之中咨臣以當世之事由是感激遂許先帝以馳驅後值傾覆受任於敗軍之際奉命於危難之間爾來二十有一年矣先帝知臣謹慎故臨崩寄臣以大事也受命已來夙夜憂歎恐付託不效以傷先帝之明故五月渡瀘深入不毛今南方已定兵甲已足當獎帥三軍北定中原庶竭駑鈍攘除奸凶興復漢室還於舊都此臣所以報先帝而忠陛下之職也分也至於斟酌損益進盡忠言則攸之禱允之任也願陛下託臣以討賊興復之效不效則治臣之罪以告先帝之靈責攸之禱允等之慢以彰其罪陛下亦宜自謀以咨諏善道察納雅言深追先帝遺詔臣不勝

受恩感激今當遠離臨表涕泣不知所言

乞伐魏疏

諸葛亮

先帝慮漢賊不兩立王業不偏安故託臣以討賊也以先帝之
 明量臣之才故知臣伐賊才弱敵強也然不伐賊王業亦亡惟
 坐而待亡孰與伐之是故託臣而弗疑也臣受命之日寢不安
 席食不甘味思惟北征宜先入南故五月渡瀘深入不毛并日
 而食臣非不自惜也顧王業不可偏安全於蜀都故冒危難以
 奉先帝遺意也而議者謂為非計今賊適疲於西又務於東兵
 法乘勞此進趨之時也謹陳其事如左高帝明並日月謀臣淵

深危然後安今陛下未及高帝謀臣不如良平而欲以長計取
 勝坐定天下此臣之未解一也劉繇王朗各據州郡論安言計
 動引聖人羣疑滿腹衆難塞胸今歲不戰明年不征使孫策坐
 大遂并江東此臣之未解二也曹操智計殊絕於人其用兵也
 髣髴孫吳然困於南陽險於烏巢危於祁連幾敗伯山殆死潼
 關然後僞定一時耳況臣才弱而欲以不危而定之此臣之未
 解三也曹操五攻昌霸不下四越巢湖不成任用李服而李服
 圖之委任夏侯而夏侯敗亡先帝每稱操為能猶有此失況臣
 駑下何能必勝此臣之未解四也自臣到漢中中間暮年耳然

全蜀秩文志

卷二十七

疏

讀月草堂

張趙雲陽羣馬玉閻芝丁立白壽劉邵鄧銅等及曲長庵將七十餘人突將無前寶嬰青羌散騎一千餘人此皆數十年之內所糾合四方之精銳非一州之所有若復數年則損三分之二也當何以圖敵此臣之未解四也今民窮兵疲而事不可息事不可息則住與行勞費正等而不及早圖之欲以一州之地與賊持久此臣之未解六也夫難平者事也昔先帝敗軍於楚當此時曹操拊手謂天下已定然後先帝東連吳越西取巴蜀舉兵北征夏侯授首此操之失事而漢事將成也然後吳更違盟關羽毀敗秭歸蹉跌曹丕稱帝凡事如此難可逆見臣鞠躬盡

五 肆百伍拾貳

督作習

瘁死而後已至於成敗利鈍非臣之明所能逆睹也

乞立諸葛亮廟表

督 隆

臣聞周人懷召伯之德其棠爲之不伐越王思范蠡之功鑄金以存其像自漢興以來小善小德而圖形立廟者多矣况亮德範遠邇勳蓋季世興王室之不壞實斯人之是賴而蒸嘗止於私門廟貌闕而莫立使百姓巷祭夷戎野祀非所以存德念功述追在昔者也今若盡順民心則瀆而無典建之京師又偏宗廟此聖懷所以懷疑也臣愚以爲宜因近其墓立之于沔陽使所親屬以時賜祭凡其臣故吏欲奉祠者皆限至廟以崇正禮

全蜀秩文志

卷二十七

表

讀月草堂

上襲魏疏

六

肆百零玖
蔣琬

芟穢彌難臣職是掌自臣奉辭漢中已經六年臣既闇弱加嬰疾疢規方無成夙夜憂慘今魏跨帶九州根蒂滋蔓平除未易若東西并力首尾犄角雖未能速得如志且當分裂蠶食先摧其支黨然吳期二三連不克果俯仰惟難實忘寢食輒與費禕等議以涼州胡塞之要進退有資賊之所惜且羌胡乃心思漢如渴又昔偏師入羌郭淮破走算其長短以為事首宜以姜維為涼州吏若維征行御持河右臣當帥軍為維鎮繼今涪水陸四通惟急是應若東北有虞赴之不難

諫後帝疏

譙周

昔王莽之敗豪傑竝起跨州據郡盜弄神器於是賢才智士思望所歸未必以其勢之廣狹惟其德之薄厚也是故於時更始公孫述及諸有大眾者多已廣大然莫不快情恣慾怠于為善游獵飲食不恤民物世祖初入河北馮異等勸之曰當行人所不能為遂務理冤獄節儉飲食動遵法度故北州歌歎聲布四遠於是鄧禹自南陽追之具漢寇恂未識世祖遙聞德行遂以權計舉漁陽上谷突騎迎于廣河其餘望風慕德者邳彤耿純劉植之徒至于輿病齋棺襁負而至者不可勝數故能以弱為全蜀稅文志

卷二十七

疏

讀月草堂

河作阿

強屠王郎吞銅馬折赤眉而成帝業也及在洛陽嘗欲小出車
 駕已御姚期諫曰天下未寧臣誠不願陛下細行數出即時還
 車及征隗囂潁川盜起世祖還洛陽但遣寇恂往恂曰潁川以
 陛下遠征故姦猾起叛未知陛下還恐不即降陛下自臨潁川
 賊必即降遂至潁川竟如恂言故非急務欲小出不敢至于急
 務欲自安不為故帝者之欲善也如此故傳曰百姓不徒附誠
 以德先之也今漢遭厄運天下三分雄哲之士思望之時也陛
 下天姿至孝喪踰三年言及隕涕雖曾閔不過也故賢在才使
 之盡力有踰成康故國內和一大小戮方臣所不能陳然臣不

勝大願願復廣人所不能者夫輓大重者其用力苦不揆拔大
 難者其善術苦不廣且承事宗廟者非徒求福祐所以率民尊
 上也至於四時之祀或有不臨池苑之觀或有仍出臣之愚滯
 私不自安夫憂責在身不暇盡樂先帝之志堂構未成誠非盡
 樂之時願省減樂官後宮所增造但奉先帝所施下為子孫節儉之教

進諸葛氏集表

晉陳壽

臣壽等言臣前在著作郎侍中領中書監濟北侯臣荀勗中書
 令關內侯臣和嶠奏使臣定故蜀丞相諸葛亮故事亮毗佐危
 國負阻不賓然猶存錄其言恥善有遺誠是大晉光明至德澤

相作隨

八

肆百肆拾

被無疆自古以來未之有倫也輒刪除複重相類相從凡爲二十四篇篇名如右亮少有逸羣之才英霸之器身長八尺容貌甚偉時人異焉遭漢末擾亂隨叔父元避難荆州躬耕于野不求聞達時左將軍劉備以亮有殊量乃三顧亮於草廬之中亮深謂備雄姿傑出遂解帶寫誠厚相結納及魏武帝南征荆州劉琮舉州委質而備失勢衆寡無立錐之地亮時年二十七乃建奇策身使孫權求援吳會權既宿服仰備又觀亮奇雅甚敬重之卽遣兵三萬人以助備備得用與武帝交戰大破其軍乘勝克捷江南悉平後備又西取益州益州旣定以亮爲軍師備

稱尊號拜亮爲丞相錄尚書事及備殂沒嗣子幼弱事無巨細亮皆專之於是外連東吳內平南越立法施度整理戎旅工械技巧物究其極科教嚴明賞罰必信無惡不懲無善不顯至于吏不容奸人懷自厲道不拾遺強不侵弱風化肅然也當此之時亮之素志進欲龍驤虎視包括四海退欲跨陵邊疆震蕩宇內又自以爲無身之日則未有能蹈涉中原抗衡上國者是以用兵不戢屢耀其武然亮才于治國爲長奇謀爲短理民之幹優于將畧而所與對敵或值人傑加衆寡不侔攻守異體故雖連年動衆未能有克昔蕭何薦韓信管仲舉王子城父皆付已

全蜀藝文志

卷二十七

表

讀月草堂

之長未能兼有也亮之器能政理抑亦管蕭之亞匹也而時之名將無城父韓信故功業陵遲大義不及邪蓋天命有歸不可以智力爭也青龍二年春亮帥衆出武功分兵屯田爲久駐之基其秋病卒黎庶追思以爲口實至今梁益之民咨述亮者言猶在耳雖其棠之詠召公鄭人之歌子產足以遠譬也孟軻有云以逸道使民雖勞不怨以生道殺民雖死不怨殺信矣論者或恠亮文彩不豔而過于丁寧周至臣愚以爲咎繇大賢也周公聖人也考定尚書咎繇之譽路而雅周公之誥煩而悉何則咎繇與舜禹共謨周公與羣下矢誓故也亮所與言盡衆人凡

士故其文指不得及遠也然其聲教遺言皆經世綜物公誠之心形于文墨足以知其人之意理而有補於當世伏惟陛下邁蹤古聖蕩然無忌故雖敵國誹謗之言或肆其辭而無所革謹所以明大通之道也

爲夔府柏都督謝上表

唐 杜 甫

臣某言伏奉見存月日制授臣某官祇拜休命內顧隕越策駑馬之力冒累踐之寵自數勲力萬無一稱再三怵惕流汗至踵謹以某月日到任上訖臣某誠戰誠懼頓首頓首死罪死罪伏以陛下君父任使之久掩臣子不逮之過就其小效復分深憂

臣劍南區區恐失臣節如彼加臣頻煩階級鎮守要衝如此勉勵疲鈍伏揚陛下之聖德愛惜陛下之百姓先之以簡易間之以樂業均之以賦斂終之以敦勸然後畢禁將士之暴宏治主客之宜示以刑典難犯之科寬以困窮計無所出哀今之人庶古之道內救憚獨外攘師寇上報君父曲盡庸拙之分下循臣子勤補失墜之目灰粉骸骨以備守官伏惟恩慈胡忍容易愚臣之願也明主之望也限以所領未遑謁對無任兢灼之極謹遣某官奉表陳謝以聞誠喜誠懼死罪死罪

夔州論利害第一表

劉禹錫

臣某言伏准元和十二年四月十八日勅諸州刺史如有利害可言者不限時節任自上表聞奏者伏見貞觀中詔許羣臣各上書言利便馬周時布衣遂因中郎將常何獻策二十餘事太宗深奇之盡行其言擢周為御史至龍朔中壁州刺史鄧宏慶進乎索看精四字堪為酒令高宗嘉之亦行其言遷宏慶為明州刺史則知苟有見雖布衣之賤遠守之微亦可施用況臣早受國恩德宗朝忝為御史逮今歷事四朝頻領藩條當陛下至明之時是微臣竭節之日伏以守在遐郡不敢廣有所陳謹准勅上利害及當州公務各別具狀以聞伏乞聖慈俯賜昭鑒

劉禹錫

夔州論利害第二表

臣某言伏准今年正月五日德音宣令諸道觀察使刺史各具當處利害附驛以聞者伏惟皇帝陛下睿哲自天繼承列聖善述先志發揚德音率土人臣不勝慶甚臣虔奉詔旨宣示蒸黎伏以華夏不同事宜各異詳求利病謹具奏聞伏乞聖慈俯賜昭鑒伏覽國史竊見開元十八年朝集使至京元宗臨軒親問利害時宣州刺史裴耀卿上便宜事論轉運甚詳竟不行下至二十一年耀卿為京兆尹再以前奏論方見允納比及三年漕運七百萬石省脚費三千餘萬貫當耀卿前不見納必有人非

之及後數年方展其效臣假守遠郡敢望言行祇奉詔書或冀萬一伏惟明主擇之

韋臯

謝政刑箴表

辰象在天睿文昭煥體宏述作義著箴規發揮刑政之源術藻皇王之道況理包繫象詞正典謨豈惟炯誠心靈實乃化成天下伏以刑清則功濟化育政治則俗致和平大哉聖言允協天聽臣職守方鎮宣揚教化仰觀睿藻伏荷時休思欲紀在盤盂周旋佩服不若懸之日月垂範將來是用課率柔翰形于傳寫刊於琬口之上表於府署之門示文武之範模為古今之殊觀

讀月草堂

表 卷二十七

全蜀稅文志

口御名

其碑刊刻已畢見立屋宇謹令修裝三本隨狀奉進臣秬能薄

劣筆札無功貴竭臣子之誠式揚君父之德輕塵流表伏用兢

惶 批答

朕以為理之本繫乎政刑頃因退朝偶有製述用錫
人極庶叶時中聊以自規豈能違意卿道贊元化志
宜大漸爰勒貞珉躬自染翰克盡事君之
節益嘉將順之心省閱再三嘆賞無已

代李侍郎賀收成都府表

呂溫

臣某言臣伏見高崇文奏某月日官軍入成都府逆賊劉闢走
出見勒兵追捕者臣聞夏震秋落乃觀成物之功善陳有征方
見勝殘之理然則殺之所以生之也動之所以綏之也氣和則
歲功早就德盛則廟算先期無遺鏃而巨寇窮奔不血刃而全

蜀底定奔走夷裔鼓舞生靈騰瑞氣而躍祥風披慶雲而捧白
口伏以陛下纂臨宸極維新庶政拓跡開統之始作法定制之
初而賊闢敢犯天威首干大紀恃險與遠窮兇極暴雖禍淫助
順誠天道之必然而制勝舉全皆聖謀之自出諸軍既集鋒鏑
爭先陛下以為方暑用兵觸冒害氣與勦人而欲速寧全衆以
功遲遂令緩螻蟻之誅抑貔貅之銳休養磨礪以須秋期由是
感恩而思奮者萬心如一又高崇文嫉惡太甚殺傷小過陛下
推弔伐之義宏覆燾之仁茲寇是誅吾民何罪遂令逐北者生
致為上脅從者獲則舍之且諭鴻私仍加安慰由是飲澤而向
全蜀執文志

十三 肆百伍拾肆
化者十室而九加以聖慈曲被大信有平當挾續之時賜戰士
悉出內府開食糧之路賞降者曾不踰辰遂使昏迷革心義勇
增氣江山自拔雷雨長驅渠魁假息而逃威士衆順風而舍杖
而不易肆巷無驚人人蒙肉骨戶解倒懸旌旗導長養之風金
鼓發生成之氣然後知至化能殺奢略無方大典用彰神武可
畏全包形器之內有罪必誅旁行天地之間無思不服臣謬膺
重寄親奉昌期坐觀氛祲之清目覩鯨鯢之戮手舞足蹈倍萬
常情無任慶抃感躍之至

請築羅城表

乾符二年夏六月公以蜀土自成通十一年
并十五年兩遭寇亂攻圍子城造雀逐具聞

奏請築羅城是
月戊辰上表日

高 駢

臣聞仗鉞擁旄顯受專征之寄殿邦守土必尊井里之規冀勵
節以輸忠須興利而除害伏以臣當道山河雖嶮城壘未寧秦
張儀拔蜀之時已曾版築隋楊秀守藩之日亦更增修堅牢雖
壯於一日周匝不過於八里自咸通十年以後兩遭蠻寇攻圍
數萬戶人填咽共處池泉皆竭熱氣相蒸其苦可畏斯敝可恤
臣前年赴任之日纔過劍門料蠻賊奔逃不敢迴顧先遣走馬
入府放出城內戶人莫不懽呼稱見蕪息臣今欲與民防患為
國遠圖廣築羅城以示雄閫將謀永逸豈憚暫勞臣深受國恩
全蜀稭文志 卷二十七 表 讀月草堂

實思忠藎允所奏乞宣付宰臣僉議

又

高駢

西川境邑南詔比隣頻遭蠻蜒之侵凌蓋以墻垣之湫隘寇來而士庶投鼠只有子城圍合而閭井焚燒更無遺堵且百萬衆類多少人家萃集子城可知危敝并泉既竭溝池亦乾人氣相蒸相生共處官僚暴露老幼飢恹但言牢城未敢出戰貨財而豈能般輦商旅而空懷怨嗟兼是戎兵同行剽劫賊路不能控扼軍營罕習干戈遂使蒸黎枉遭塗炭臣初到統押便與經營平夷鎮之隄防焉能跋涉大渡河之把截誰敢過從然須更議

前詔作雍門

遠圖以防後患嚴設武備廣築羅城雄壯三川保安千載使寇孽遮圍而不逼軍戎隈倚而無疑旋奉詔書令臣斟酌許興版築冀盛藩維遂乃相度地形揣摩物力不思費耗只顧安危趣十縣之一丁抽八州之將校分其地界授以城基運土囊而子來持石杵而雲集大興畚插廣備資糧五千堵之周迴川中捍蔽百萬人之築起空裏巍峩日居月諸功成事立金湯既設鐵甕如堅控地道之莫能徒云入寇縱雲梯之強立無計登陴白露屋之凌空躋攀莫及青城山之對峙形勢不如擁門之扁鑄堅牢曲角之規模周密壕深莫跨堅峻難攻外邊睥睨之崇高

全蜀統志

卷二十七

表

讀月草堂

內面欄杆而固護獸頭帖出雁翅排成覆瓦烟青堦塼皆碧縱
蠻再至無計重圍此皆仗陛下之睿謀使微臣之剗制鬼神扶
助社稷庶臣眼以守鎮不獲奔詣闕庭無任踴躍昇營之至
謹畫圖差副使中散大夫內謁賜紫金魚袋楊德章節度判官
朝議郎檢校尚書兵部郎兼御史中丞賜紫金魚袋裴峴等奉
為蜀王建草陳敬瑄田令孜表 馮涓

開匣出虎孔宣父不責他人當路斬蛇孫叔敖非因利己專殺
不行于闕外先機恐失于穀中臣輒行闔制處斬訖

上王建疏

前僞蜀馮涓

古之用兵非以逞威暴而肆殺戮蓋以安民為先豐財為本湯
武無忿怒之師高光有魚水之士故能應天順人弔民伐罪今
自土德下衰朱梁逞虐雍都洛邑盡是荆榛江南山東各有割
據鬥力則人各有力用兵則人各有兵陛下欲以一方之強舉
萬全之策臣恐陛下之憂不在於秦雍而在於肘腋之下也

上災異疏

李道安

倉廩者國之本糧食者人之命固其本則邦寧重其命則人富
今粒食中皆生逢蠱竊疑在位貪鄙奪民農時戕害人命故天
生災異以為警告又蟲皆曳米而行恐邊鄙不寧于戈忽起饋
全蜀執文志

十六 肆百壹拾玖
輓相繼人不堪命伏願少精聖慮與大臣恐懼修省以消災異

賀江神移堰牋

杜光廷

伏觀導江縣令黃璟奏六月二十六日江神移堰事伏以大禹
濬江發洪源于龍冢李冰創堰分白浪于龜城導彼靈津資乎
民用而涸脛泛肩之誓表則有常若懷山沃日之灾崩騰難制
立虛墊溺必害蒸熬昨者夏潦勃興狂波未息顧岷江之下瀨
便逼帝都當灌口之上游遽彰神力於是震霆築地白雨通霄
驅陰兵而鼓噪連天簇靈炬而熒煌達曙迴山轉石巨堰俄成
浸淫頓減於京江奔蹙盡移於硤路仰由聖感仍假英威見天

地之合符觀神明之致祐編于簡冊冠彼古今叨奉獎私彌增
抃躍謹奉牋陳賀以聞

降表

前僞蜀後主 王 衍

臣先人受鉞坤維作藩唐室一開土宇垂四十年屬梁孽挺災
皇綱解紐不能助逆遂至從權勉徇輿情正王三蜀逮臣纂紹
罔敢怠遑自保二疆以安生聚陛下嗣唐虞之業興湯武之師
廓定中區奄征不諛梯杭畢集文軌大同臣方議改圖便期納
款遽聞致討實抱驚危今則委千里封疆盡爲王土冀萬家臣
妾皆沐皇恩輿觀有歸負荆訣罪望迴日月之照特寬斧鉞之

誅口佇德音以安反側

諫用兵疏

後偽蜀田淳

彫作雕

伏見三年以來民頗怨嗟謂陛下求賢失道為政不平重纂組
奪女工貴彫鏤損農事法令不信賞罰無誠納諫之心微自滿
假馭朽之念漸乖始卒載舟覆舟不可不懼而況北有大敵方
藉支禦若失人心其何以濟臣又見頻發士卒遠戍邊庭人心
動搖莫測其故家構異議如臨湯火人且憂駭將何撫寧若夫
舉眾興師須明利害況關大事豈可容易必若金鼓一鳴前鋒
稍按一敗一成疾如反掌願陛下先事而計無貽後患今之動

靜頗涉因循臣不知所發之兵為防邊乎為赴敵乎若云防邊
不當驟有徵發若云赴敵則須先決便宜師出無名三軍必怨
三軍既怨何以成功以我朝之甲兵擬柴氏之士馬以我朝之
將領比柴氏之師帥以我朝之帑藏比柴氏之困廩至于法律
刑名聲明文物彼長此大差等不同須用權奇以謀拒捍若二
國交鬪恐未十全況我天府之邦用武之地一夫守隘萬旅無
前假使柴師能於野戰攻城奪壘利在平川儻入隘途如無手
足願陛下以短兵自固扼塞要衝分布腹心把斷細徑精加號
令彼敵師縱柴氏親來未敢便謀深入以日繼月以時繼年敵
全蜀秘文志 卷二十七 疏 讀月草堂

勢自羸我師彌銳不折一戟不失一卒而柴氏自疲信所謂彼竭我盈以逸待困此為上計符合天機

降表

後偽蜀後主 孟昶

臣生自拜門長於蜀土幸得先人之基構得從幼歲以纂承只知四序之推遷不識三靈之改卜伏自皇帝陛下大明出震聖德居尊聲教被于遐荒慶澤流于中夏常凝旒正殿虧以小事大之儀及告類圜丘曠執贄奉琛之禮蓋蜀地居遐僻路阻關庭已慙先見之明因有後時之責今則皇威電赫聖略風馳干戈所指而無前聲鼓纔臨而自潰山河郡縣半入於提封將卒

倉儲盡歸於圖籍但念臣中外骨肉二百餘人高堂有親七十非遠弱齡侍奉只在庭闈日承訓撫之恩粗勤孝養之道實願克終甘旨保此衰年其次得子孫之團圓守血食之祭祀伏乞皇帝陛下容之如地蓋之如天特軫仁慈以寬危辱臣復輒徵故事上黷宸聰竊念劉禪有安樂之封叔寶有長城之號皆因歸款盡獲生全顧眇昧之餘魂得保家而為幸庶使先臣寢廟不為樵采之場老母庭除尚有問安之所見今保全府庫巡遏軍城不使毀復將期臨照臣昶謹率文武見任官望闕表歸命

奏破施州譚汝翼狀

宋林 栗

臣聞詩書所稱柔遠能邇孔子論政亦曰近者悅遠者來曩所
部州十有五施黔之外是為思州其土世襲而不廢於官蓋疆
以戎索使捍諸夷內以暨文教外以奮武衛云施有姦民曰譚
汝翼以兼弁為富以陵脅為強吞噬無厭包藏不軌交關夷落
結成疽根二十年間帥守監司莫之能詰其詰之者反得罪於
有司膠缺涵濡孕毒滋稔淳熙八年夏六月知思州田汝弼卒
譚賊乘罅舉其衆南掠黔江焚田氏之積俘其奴客以自封殖
施黔巡尉唯所使令再役跳踉僵戶滿野而谿壑未盈方繕甲
兵料丁壯以為大舉而田之嗣息舍禳衽革起復其仇踰黔踰

逆疑作避或進

施施人大震扶攜奔逆擊踵于塗田次慈求溪限以一水不得
度而退方謀濟師譚躡其後戰于太平驛斬首二十有二歸而
飲至策勳行賞鼓吹導從合於一州州人懾伏無敢後先哆然
遂有鴟張虎視之謀臣以庸愚誤分闔寄自闔入蜀罔究端倪
秋八月既望方領郡事旬有八日而施檄至詢之民吏暗不敢
言德艾創夷變生肘腋臣亟走一介傳檄三州然後田譚之訟
兩造庭下臣即日以其事聞檄施州守臣張遇赴司稟議而以
本路兵馬都監傅汝賢攝兵鈐以行部止其印而代之譚賊氣
奪東西求援恃其財力可以變亂有司下民皇皇官吏首鼠莫
全蜀秘文志 卷二十七 表狀 讀月草堂

知所嚮仰惟陛下深居九重明見萬里之外乃以春正月辛丑親御宸翰付制置使陳峴以及微臣開示謨斷指授方略臣拜手踊躍宣示所部使之激厲咸若陛下命而親撫之越三月辛未汝翼潛返于家癸酉奮其螳臂陳于沔河橋施之將士聞變而起小大用命一戰而遂破之渠魁奔竄無所於匿歸命于闕下而一方遂平施之將士與夔之吏民萬口同辭皆曰此天子之功也若元濟承宗得遂其計則何以成蔡功乎已而思人惶遽請以黔江之田盡歸于吏則柔遠能邇近悅遠來之證不為虛語臣謹以辛丑詔書勒之堅珉以垂不朽昧死奏聞

乞褒贈江公望張廷堅等疏

呂好問

臣聞之孔子曰示之以好惡而民知禁書曰王播告之修不匿厥旨夫惟不匿厥旨則莫若明示好惡使民知禁而自從也所謂好惡者賞善而罰惡勿任己之私意而已矣臣竊見朝廷近日用人賢不肖雜所以好惡不分是非不別臣謂陛下宜先推明以示四方潛德隱惡各有所處以定民志有不可緩者元符之末多士盈朝故司諫陳瓘江公望正言張庭堅任伯雨殿中侍御史龔夬等皆以忠直自奮知無不言捐軀殉國不顧妻子其後蔡京趙挺之等得志首加擠陷意欲使之必死不遺餘力

巧發奇中衆爲寒心賴太上皇仁恕力爲保全得免誅戮死亡
之後妻子窮困至今未復今蔡京略正典刑而此數人尚在責
籍子孫凍餒人人皆憐憫陳瓘已贈諫議大夫任伯雨子得一
官外江公望張庭堅龔夬等竝未昭叙非所以示好惡而不匿
厥旨也伏望陛下特降睿旨將公望等竝行褒贈仍各官其子
孫周恤其家使天下後世爲善報國者知所勸勉而姦雄巨惡
常有畏懲此誠所宜先也

